

# TEZAUUR LITURGIC

1 APRILIE

# ACATISTUL SF. CUVIOASE MARIA EGIPTEANCA



TBILISI, 2000



# დაუჯდომელი საგალობელი ღირსისა დედისა მარიამ მეგვიპტელისა

## კონდაკი 1

რჩეულსა ღმრთისაგან, ხატად ყოველთა ცოდვილთა და უსასოქმნილთა ჯსნისა, სიბილწის სიღრმითგან მწვერვალსა ნათლისასა ზეაღმართულსა, გალობითა გადიდებთ, ღირსო დედაო, რომელსაცა გაქუს კადნიერებაა წინაშე უფლისა, ლოცვითა შენითა წარგვმართე გზასა სინანულისასა სიყუარულითა მხმობელნი შენნი: გიხაროდენ, სასწაულო ღმრთისსახიერებისაო, ღირსო ანგელოზთასწორო მარიამ.

## იკოსი 1

ქუეყნიურისა ბუნებისა ანგელოზებრივითა სახითა გიხილა შენ უდაბნოსა შინა იორდანესა აბზამან ზოსიმემან, ოდეს სოფლისათვის მლოცველი ზე აღიმართე ჰაერსა შინა, ზარდაცემული ამის ხილვითა ღირსი იგი ცრემლსა ცხოველსა ჰღვრიდა და შიშითა თრთოლვიდა. ხოლო ჩვენ, განცვიფრებულნი ღუაწლითა შენითა ამას გიგალობთ, დედაო:

გიხაროდენ, მადლითა და ნათლით აღვსილო;  
გიხაროდენ, თუალითა სულიერითა დამშუენებულო;

გიხაროდენ, ლოცვითა წმიდითა ღმრთისკენ ჰაერსა შინა ზეაღმართულო;

გიხაროდენ, უდაბნოისა საუნჯეო, სოფლისაგან დაფარულო;

გიხაროდენ, უხორცოთა თანა მყოფო;

გიხაროდენ, სულითა წმიდითა შემოსილო;

გიხაროდენ, სასწაულო ღმრთისსახიერებისაო, ღირსო ანგელოზთასწორო მარიაჲ.

## კონდაკი 2

იხილე რა ბერი კრძალული, გარემოცული საღმრთოთა შიშითა, ხმითა მშვიდითა ეტყოდინეტარო: „ნუ გეშინინ, მამაო, რამეთუ წინაშე შენსა არს დედაკაცი ცოდვილი - სათნოებათაგან უპოარი და უღირსი ცისა ჭვრეტისა, რომელიცა ბაგითა უწმიდურითა შიშითა ღაღად-ჰყოფს წინაშე ღმრთისა: ალილუია“.

## იკოსი 2

გულისწმისმოფელი დაუნჯებულისა იდუმალებისა შენისა ნეტარი ზოსიმეჲ თაყუანსა-გცემდა და მუკლმოდრეკითა გვედრებდა: „სახელითა ღმრთისაჲთა, მაუწყე ცხორებაჲ წმიდაჲ შენი, სიდიადისა ღმრთისა ნათელმოფელო და მისთვისვე შესამოსლითგან განძარცულო“, მას თანა ჩუენცა,

კადნიერად მდგომარენი წინაშე შენსა, სიყუარულითა ვხმოვით შენდამო:

გიხაროდენ, მორჩილებისა სვეტო ნათელო;

გიხაროდენ, ნიჭთა სულიერთა წყარო უშრეტო;

გიხაროდენ, სიყუარულითა ღმრთისადათა ვნებათა მომაკუდინებელო;

გიხაროდენ, უდაბნოსა შინა ოდენ უფალთან მყოფო;

გიხაროდენ, შუენიერებითა ზეციურითა მოციალეო,

გიხაროდენ, ნათლითა უბიწოებისადათა

განბრწყინებულო;

გიხაროდენ, სასწაულო ღმრთისსახიერებისაო, ღირსო ანგელოზთასწორო მარიაჲ.

### კონდაკი 3

განმტკიცებულო ძალითა უზენაესითა ეტყოდი ზოსიმეს, ყოვლადნეტარო: „გაგანდობ ცოდვათა და უსჯულოებათა ჩემთა, გარნა მრცხვენის, რამეთუ სამოსელი ჩემი დაბეკულ არს და არარაჲა მაქუს სიშიშვლისა ჩემისა დასაფარავად. ერთსა გვედრებ, მამაო: მყის ნუ წარემართები ჩემგან, ოდეს გამცნობ საქმეთა ბილწთა ჩემთა, ხოლო ლოცვა-ჰყავ უძღვებისა ჩემისათვის და უგალობე უფალსა, რომელმანცა არა მიაქცია წყალობაჲ თვისი ჩემგან: ალილუია“.

### იკოსი 3

„ყოვლადმოწყალემან დედამან ზრუნვითა დედობრივითა შემივედრა მე საფარველსა ქუეშე თვისსა“, - ეტყოდი ზოსიმეს, - „ოდეს მოსურნესა შესლვისა ღმრთის სახლსა შინა ძალი უხილავი წინა-აღმიდგებოდა და დამიხშობდა ბჭეთა ტაძრისათა; მას ჟამსა შინა მადლი ღმრთისაა შეეხებოდა სულსა ჩემსა და მეცა, გულისჯმისმყოფელი მწიკულებანებისა ჩემისა მკერდსა მჯილისა ცემითა და ცრემლითა ცხოველითა ვგოდებდი უბადრუკებასა თვისსა“. ჩუენ კი, განკვირვებულნი სინანულითა შენითა, მოცხრომითა გალობასა ამას შეგწირავთ:

გიხაროდენ, რამეთუ მავალი წყუდიადსა შინა

განგაცისკროვნა განთიადმან გამოხსნისამან;

გიხაროდენ, რამეთუ ცოდვათა შინა უდაბურებასა

გზაშეცთომილი ცხოვარი მოგიხმო სიტყუამან

ღმრთისამან;

გიხაროდენ, რამეთუ თუალთაგან შენთა

გარდამოსული ნაკადული ცრემლთა განბანს ყოველსა

მწიკულებანებასა შენსა;

გიხაროდენ, რამეთუ ცრემლი ეგე განწმედს სულიერსა

საფარველსა შენსა;

გიხაროდენ, რამეთუ მკერდსა თვისსა მიგიყრდნა

სიყუარულითა მამობრივითა გულმოწყალემან

ღმერთმან;

გიხაროდენ, რამეთუ შენდა საიდუმლოდ მომადლებული ცოდნაჲ წარჯოცს ცოდვათა შენთა; გიხაროდენ, სასწაულო ღმრთისსახიერებისაო, ღირსო ანგელოზთასწორო მარიაჲ.

#### კონდაკი 4

გულისთქუმათა მჭმუნვარეთა გრიგალსა შინა მყოფმან კარიბჭითგან იხილე ხატი ყოვლადწმიდისა დედისა ღმრთისა, რომელსაცა ჰვედრებდი: „შემეწიე, დედუფალო წმიდაო უღირსსა ამას, მომეც ნებაჲ, რაჲთა ვილტოდე სახლსა ძისა შენისასა და შემდგომად თაყუანის-ცემისა მუნ დასვენებულისა ჯუარისა წმიდისა, მეყსეულად წარვალ, სადაცა მიბრძანებს მეუფებაჲ შენი, მე, ბილწსა ამას და ბრალეულსა, მუკლმოდრეკითა ღმრთისა მკმობელსა: ალილუია“.

#### იკოსი 4

მსმენელმან შორითგან მოწევნულისა ხმისამან: „დაღათუ გარდახვალ იორდანესა, ცხორებასა მშვიდსა ჰპოებ შენ“, ყოვლადწმიდასა ქალწულსა ღალად-ჰყავ: „ჰოჲ, მრავალმოწყალო ღმრთისა დედაო, რომელმან არა მიაქციე წყალობაი თვისი უღირსისა ამისაგან, ნუცა აწ დამიტევებ დედუფალო, შემეწიე გზასა ზედა

სინანულისასა. ანგელოზნი კი, აღმწერნი აღსარებისა  
შენისად, მას ჟამსა შინა გიგალობდნენ, სახიერო:

გიხაროდენ, ბიწიერებისა წყუდიადასა შინა ძალითა  
სინანულისადთა განათლებულო;

გიხაროდენ, ვნებისა გახელებულისა და სიამეთა  
ხორციელთა უკუმგდებელო;

გიხაროდენ, მაცთურისა ყოვლისა ბორკილისა და  
მახისა შემმუსვრელო;

გიხაროდენ, მზაკვრულთა მისთა საქმეთა გამცვლელო  
სუბუქსა უღელზედა იესუდასა;

გიხაროდენ, ჯოჯოხეთიდგან სიცოცხლესა  
მარადიულსა მიახლებულო;

გიხაროდენ, აღმომავალო ბჭეთაგან დანთქმისათა  
წინაშე ზღურბლსა კარისა სამოთხისასა;

გიხაროდენ, სასწაულო ღმრთისსახიერებისაო, ღირსო  
ანგელოზთასწორო მარიაჲ.

## კონდაკი 5

ყოვლადწმიდამან ქალწულმან დაგიხშნა შენ კარნი  
ტაძრისანი, მანვე, შემწყნარებელმან მრავალთა  
ცრემლთა შენთა, შეგმოსა მთიებითა ღმრთიურითა,  
ოდეს ჰყო ნებაჲ თაყუანი-გეცა ძელისათვის  
ცხოველსმყოფელისა, რომლისა მიერ გამოიხსნა  
სოფელი ესე. შენ კი, შემცნობელმან შენისა  
გადარჩენისათვის დათხეულისა სისხლისა,

მადლისპყრობითა ღაღად-ჰყავ წინაშე ჯუარსცმულისა ღმრთისა: ალილუია.

## იკოსი 5

გულისჯმა-ჰყავ საიდუმლოდ ღმრთისად, რომელსაცა ძალუმს შეწყნარებად მონანულთა და ყოვლითა გულითა ჰვედრებდი ქალწულსა მას უბიწოსა: „ნუ დამიტევებ დედუფალო!“ და შემდგომად ამისა წარემართე უდაბნოსა იორდანესა. ჩუენ კი, თაყუანისმცემელნი მსხემობისა შენისა გნეტარებთ და ღაღად-ვყოფთ შენდამი, ყოვლადქებულო:

გიხაროდენ, რამეთუ გული შენი აღივსო ყოვლისშემწყნარებელისა ღმრთისა სიყუარულითა; გიხაროდენ, რამეთუ საუნჯედ მადლისად, აქამომდე შენთვის დაფარული, მოიმუშაკე უდაბნოსა შინა; გიხაროდენ, რამეთუ მოიძაგე სიამენი ამა სოფლისანი; გიხაროდენ, რამეთუ მსხემობითა შენითა დემონთა მსახურებაი დაინთქა; გიხაროდენ, რამეთუ მწირობითა შენითა განიხარა ზესთა სოფელმან; გიხაროდენ, სასწაულო ღმრთისსახიერებისაო, ღირსო ანგელოზთასწორო მარიამ.

## კონდაკი 6

ყოველთა მაშურალთა და ტვირთმძიმეთა უქადაგებდი კაცთმოყუარებასა ღმრთისასა და ძალსა სინანულისასა, რომელიცა განბანს, განწმედს, განანათლებს სულსა ცოდვისა მოყუარესა, განაგდებს მწუხარებასა და იქმს შუებასა, ამისთჳსცა ჩუენცა, მეოხებითა შენითა, ბაგითა უწმიდურითა სამადლობელსა შევსწირავთ უფალსა: ალილუია.

## იკოსი 6

იორდანითგან განეფინა ყოველსა სოფელსა სიმაშურალისა შენისა ნათელი, ყოვლადქებულო მარიამ, რომელმანცა წელთა მრავლობად, ვითარცა ადამატმან მოუდრეკელმან, დაჰყავ ბრძოლასა შინა ბილწ ზრახვათა შენთა - მკეცებრ მძვინვარეთა და ეშმაკისა ლალვად შეჰმუსრე ჯუარითა მით ძლიერითა, ამისთჳსცა ჩუენ, დასულებულნი ძალითა შენისა მოთმინებისადთა, სიყუარულითა ფსალმუნებასა ამას შეგწირავთ:

გიხაროდენ, ორმეოცდა შვიდსა წელსა უდაბნოისა ტანჯვასა და ღუაწლსა შინა დამყოფელო;  
გიხაროდენ, დამწუარო მკურვალეებითა მზისათა;  
გიხაროდენ, განკაფულო შიმშილითა და წყურილითა;  
გიხაროდენ, რამეთუ ვნებათა ჯორციელთა სიმკუდრედ

მოიმუშავე;

გიხაროდენ, დამაშურალო ბრძოლასა შინა

გულისთქუმისათა;

გიხაროდენ, სასწაულო ღმრთისსახიერებისაო, ღირსო  
ანგელოზთასწორო მარიაო.

## კონდაკი 7

რა ჟამს იხილა ზეციური ზე აღსლვად შენი, მტერი  
მარადისი კაცთა მოდგმისა მრავლითა საცთურითა  
თვსითა დღე-მუდამ აღიგზებდა ცეცხლსა  
გულისთქუმისათა, რადთა ეხილე ხსოვნასა შინა  
უწინდელისა ცხორებისასა, შენ კი, მრავალტანჯული  
და ცრემლითა მიწისა დამალტობელი, თავისა  
დამართ ცემითა შეწევნასა ითხოვდი მარადის  
ქალწულისაგან და დღეთა და ღამეთა მრავლობასა  
დაჰყოფდი, ვიდრემდის ნათელი ღმრთისაო არა  
მოგიცავდა მადლისცემითა მიმგებელსა  
უფლისა: ალილუია.

## იკოსი 7

შემოსილმან ქრისტეთა მოაშთე კაცებად შენი ძველი,  
ყოვლადსაკვირველო და იცვალე რა ფერი, სძლად  
ქრისტესად მოგვევლინე, დამყოფელო ათშვიდმეტსა  
წელსა განსაცდელთა შინა ურიცხვთა და დღიდან  
მსხემობისა შენისა ძალი ღმრთისაო იფარვიდა სულსა

და ჯორცსა შენსა, ამისთჳსცა გევედრებით, მიიღე უღირსთა ჩუენთაგან ქებაი ესე, სახიერო:

გიხაროდენ, მომაკუდინებულო ვნებათა აზვირთებულთა;

გიხაროდენ, რამეთუ ზეიმობს ჭემმარიტებად;

გიხაროდენ, რამეთუ განგააზნაურნა ქრისტემან ცოდვათაგან;

გიხაროდენ, რამეთუ დაიუნჯე სიყუარული ღმრთისად გულითა და სულითა შემუსვრილითა;

გიხაროდენ, შემოსილო ნეტარებითა სულიერითა;

გიხაროდენ, დამკვიდრებულო ღმრთისა თანა;

გიხაროდენ, სასწაულო ღმრთისსახიერებისაო, ღირსო ანგელოზთასწორო მარიაჲ.

### კონდაკი 8

რა ჟამს ხედვიდა უცნაურსა და ყოვლადდიდებულსა შეცვალებასა შენსა, ლეგეონი ბნელი დემონთაა ელმოდა, ხოლო ძალნი ზეციურნი, მადიდებელნი ღმრთისა, იხარებდენ და გალობითა ქებასა მისცემდენ უფალსა: ალილუია.

### იკოსი 8

ზოსიმეჲ, გასული უდაბნოსა შინა, ღირსიქმნა ეხილვე ღმერთშემოსილი, შენ კი სახელითა უფლისაითა

ჰვედრებდი მას: „დაიუნჯე ჰამბავი ესე და არასადა სთქუა, ვიდრე არა მოაწევს ჟამი ამა სოფლითგან განსლვისა ჩემისა, ხოლო შემდგომად ერთისა წლისა, დიდსა მარხვასა შინა, ნაპირსა ზედა იორდანესა მაზიარე წმიდათა საიდუმლოთა უფლისათა“. სთქვი ესე და გაუჩინარდი თუალთაგან ბერისა, რომელიცა განერთხა მიწასა ზედა და ჰამბორს-ჰყოფდა ნატერფალთა შენთა შენდამო გალობითა:

გიხაროდენ, განძარცულო ცოდვათაგან და

განსპეტაკებულო უმეტეს თოვლისა;

გიხაროდენ, განათებულო უმეტეს მზიურთა სხივთა;

გიხაროდენ, რამეთუ შეცოდებანი შენნი შეწყალებულ არიან ღმრთისაგან;

გიხაროდენ, რამეთუ სასყიდელი შენი დიდ არს ცათა შინა;

გიხაროდენ, დამკვიდრებულო წმიდათა თანა;

გიხაროდენ, მეძავობითა მიერ პირველ აღსავსე, დღეს სძლად ქრისტესად მოვლინებულო;

გიხაროდენ, სასწაულო ღმრთისსახიერებისაო, ღირსო ანგელოზთასწორო მარიაჲ.

## კონდაკი 9

„წყლულებაჲ შენი, ძლეული გულმგურვალითა სიყუარულითა უფლისაჲთა, შეძრავს აზრსა და გონებასა ყოვლისა კაცისასა, ყოვლადექებულო“, -

ჰმითა მალლითა ტიროდა ბერი ზოსიმე და  
ვედრებდა მოწყალესა დედასა ღმრთისასა ხილვისა  
შენისა გაკვლადებასა და შენ თანა დაუცხრომელისა  
ძნობისა შეწირვად უფლისა: ალილუია.

## იკოსი 9

ენამზეობაჲ მიწიერთაჲ უძღურ არს ღუაწლთა შენთა  
აღწერად, ყოვლადმართალო ... ვითარ გადმოვსცეთ  
სინანულისა შენისა ვალაღებაჲ, ცხორებისა შენისა  
იწროებაჲ, ბრძოლაჲ, სნეულებაჲ და სიფხიზლედ  
მარადისი. განკვრვებულნი ყოველთა ამა საქმეთა  
სმენითა გალობასა შეგწირავთ და ღაღად-გყოფთ,  
ყოვლადდიდებულო: ვითარცა უდაბნოდ იორდანედსი  
ნათელ-იქმნა საოცრებითა შენითა, მსგავსადვე  
განაბრწყინვე გულნი ჩუენნი მთიებითა ღმრთიურითა  
და მეოხ-გვეყავნ წინაშე უფლისა მგალობელთა შენთა:

გიხაროდენ, რამეთუ აღმოაცისკრე მიმქრალი ხატებაჲ  
ღმრთისაჲ განღმრთობითა შენითა;

გიხაროდენ, მომფენელო ზეციურისა  
კეთილსუნელებისაო;

გიხაროდენ, განშუენებულო ვასკულავთა უცხოთთა  
გუნდითა;

გიხაროდენ, მანათობელო სათნოებათა სხივთა;

გიხაროდენ, კეთილმაუწყებელო დიდებულებისა  
ღმრთისა კიდეთა ქუეყანისათა;

გიხაროდენ, რამეთუ მოუწოდე ძნობად უფლისა ცასა და ქუეყანასა;  
გიხაროდენ, სასწაულო ღმრთისსახიერებისაო, ღირსო ანგელოზთასწორო მარიაჲ.

### კონდაკი 10

მოაწია რა ჟამმან დათქმულისა დღისამან საიდუმლოისა სერობისა, აბზამან ზოსიმემან თანა წარიღო ძღუენი საუფლოდ - ცხოველსმყოფელი ჯორცი და სისხლი უფლისაჲ და წარემართა შეუდრეკელად შუადამისა მთუარისა შუქსა ზედა ნაპირსა იორდანესა ვედრებითა წინაშე ღმრთისა: „ღირს-მყავ მეუფეო, მამხილებელო ცოდვათა ჩემთაო, კვლავაც ხილვისა უდაბნოისა საუნჯისა და ანგელოზისა ჯორციელისა და ნუ გამიყვან უხილველად ამისა შენსა მხმობელსა და მადიდებელსა: ალილუია“.

### იკოსი 10

ზოსიმეჲ, გარემოცული ფიქრითა, ვითარ გარდმოვაო ნაპირსა მეორესა, განაცვიფრა სლვამან შენმან იორდანესა ზედა, ოდეს დასახე ჯუარი და ძალითა მით ძლიერითა დასძლიე წყალნი, ხოლო ბერი იგი, ზარდაცემული ამის ხილვითა, გალობასა ამას გიძღვნიდა:

გიხაროდენ, დამკვიდრებულო სამოთხესა შინა;  
გიხაროდენ, რამეთუ მკეცნი ჰმორჩილებენ მცნებათა  
შენთა;

გიხაროდენ, რამეთუ ტალღანი განეფინნეს ქუეშე  
პატიოსანთა ფერჯთა შენთა;

გიხაროდენ, რამეთუ იორდანე მორჩილ არს შენდა,  
ხოლო მთოვარე და ვასკულავნი დასულბიან  
ნათლითა შენითა;

გიხაროდენ, სიდიადისა ღმრთისა ნათელმყოფელო;

გიხაროდენ, განსულიერებულო ტაძარო უფლისაო;

გიხაროდენ, სასწაულო ღმრთისსახიერებისაო, ღირსო  
ანგელოზთასწორო მარიაო.

## კონდაკი 11

ზოსიმეო, დასულეებული ყოვლისშემძლეობითა  
ღმრთისაჲთა, ხედვიდა რა იორდანესა ზედა სლვასა  
შენსა თჳნიერ ყოვლისა დაბრკოლებისა, უგალობდა  
უფალსა და მუკლმოდრეკითა თაყუანსა-გცემდა, შენ  
კი მიუგებდი მას: „ნუ იქმ, მამაო, მუკლისდრეკასა  
წინაშე ჩემსა - უღმრთოდსი და მოქენისა, რამეთუ  
თავად მღდელ ხარ, აღმასრულებელი დიდთა და  
საშინელთა საიდუმლოთა უფლისაჲთა, რომლისა  
წინაშე თრთოლვითა და კრძალვითა ამბობს  
ყოველი: აღილუია“.

## იკოსი 11

განბრწყინებული ნათლითა ზეციურითა, მიიღებდი ზიარებასა წმიდასა და აღვსილი ნეტარებითა აღაპყრობდი ცათა მიმართ ჯელთა თვსთა და იტყოდი: „აწ განუტევე მკვევალი შენი, მეუფეო, სიტყვისაებრ შენისა მშვიდობით“, ხოლო ბერსა მას ჰვედრებდი წინაშე ღმრთისა სულისა შენისათვის ლოცვის-ყოფასა, უბადრუკებისა შენისა მოხსენიებასა და შესთხოვდი წელსა მერმესა მოხილვისა შენისა გაკვლადებასა. შემდგომად ამისა ჯუარითა მით ძლიერითა დასძლევდი წყალსა იორდანედსა, ხოლო ზოსიმედ, ვერ-შემძლებელი დაყოვნებისა შენისა, ჯმითა ცხოველითა გოდებდა კუალის-კუალ შენდა:

გიხაროდენ, ჯორცთა შინა შენთა მტვრთველო სიკუდილისა იესუდსა;

გიხაროდენ, განშუენებულო აღდგომითა მისითა;

გიხაროდენ, შემოსილო მადლითა, ვითარცა მთიებითა ღმრთიურითა;

გიხაროდენ, რამეთუ ანგელოზნი უფლისანი დასულბიან სიწმიდითა შენითა;

გიხაროდენ, რამეთუ ძალნი ჯოჯოხეთისანი ძრწიან და თრთოლვიან წინაშე დიდებისა შენისა;

გიხაროდენ, სავანეო ნათელმოსილო წმიდისა სამებისაო;

გიხაროდენ, სასწაულო ღმრთისსახიერებისაო, ღირსო ანგელოზთასწორო მარიაო.

## კონდაკი 12

ფრთოვან-გყო რა მადლმან ღმრთიურმან, წამის-ყოფითა დასძლიე სივრცე უდაბნოდსი და ქრისტეჴს მხსნელ ვნებათა ღამესა სოფლისათვის მლოცველმან მიაბარე სული შენი უფალსა, რომელსაცა განცხრომითა გამოუთქმელითა ვუგალობთ ანგელოზთა თანა: ალილუია.

## იკოსი 12

ღმრთივგანბრძნობილი ზოსიმეო გალობასა იტყოდა საოხად სულისა შენისა, დაგილტობდა ფერჯთა წმიდათა ცრემლითა თჯსითა და ლოცვისყოფითა დაფლვიდა პატიოსანსა ჯორცსა შენსა შიშუელსა და უპოარსა, ოდენ მისგან ბოძებულისა დაბეზკულითა მანტიითა შემოსილსა და ხედავდა რა სიდიადესა ღმრთისასა, გარემოცული შიშითა და სასოებითა, ესრეთ დიდებისგმეტყველებდა:

გიხაროდენ, რამეთუ აღსრულ ხარ წიაღსა დაუღამებელსა ნაშობი მისი;  
გიხაროდენ, რამეთუ სული შენი დაკარვებულ არს სამკვდროსა შინა წმიდათასა;

გიხაროდენ, რამეთუ ჳორცი შენი დავანებულ არს  
სამარესა, აღმოთხრილისა ლომისადთა;

გიხაროდენ, რამეთუ სახითა შენითა მიჩუნა  
უფალმან, თუ ვით შორად ვარ ჯერეთ  
სრულქმნისაგან;

გიხაროდენ, მეოხო ყოვლისა სოფლისა წინაშე  
ღმრთისაო;

გიხაროდენ, მაღლოვო მარხულთა, დიდებო ღირსთა  
და შუენიერებო გუემულთა;

გიხაროდენ, სასწაულო ღმრთისსახიერებისაო, ღირსო  
ანგელოზთასწორო მარიაჲ.

### კონდაკი 13

ჰოთ, ღირსო დედაო, ყოვლადნეტარო მარიაჲ მიიღე  
ლოცვაჲ ესე ჩუენი და სამეუფოჲსა საყდრისა მიმართ  
წარმართებული მეოხ-გვეყავნ წინაშე  
მრავალმოწყალისა ღმრთისა, რათა მოგვანიჭოს  
განცდა თჳსთა ცოდვათა და დაგვაბრუნოს წიაღსა  
შინა მამისა ჩუენისასა, ვითარცა შვილნი უძლებნი,  
რათა შენ თანა დაუსაბამოდ ვადიდებდეთ  
უფალსა: ალილუია.

ეს კონდაკი იკითხება 3-გზის.

